



Cumün da vaschins Zernez

Protocol

Radunanza da vaschins da marcurdi, als 31 mai 2017, a las 20.00, i'l auditori dal Parc Naziunal Svizzer a Zernez

Preschaints: 17 vaschinas e vaschins cun dret da vuschar
S-chüsats Martina Peretti-Müller, Arno Felix e Trudi Clavuot

Tractandas:

1. **Salüd e bivgnaint**
 2. **Tscherna da duos scrutinaduors**
 3. **Protocol da l'ultima radunanza da vaschins dals 29 nov. 2016**
 4. **Barat da terrain tanter il Chantun Grischun ed il cumün da vaschins pel schlargiamaint da la via chantunala tanter Ova Sparsa e La Sassella**
 5. **Vendita da terrain per schlargiar la via chantunala tanter La Drossa ed Il Fuorn**
 6. **Plazzar emblems da la via San Giachen sün grips e mürs sper la via**
 7. **Orientaziuns**
 8. **Varia e comunicaziuns**
-

1. Salüd

Il president salüda la radunanza e giavüscha la buna saira. El constatescha cha la bannida es ida oura a temp e cha la radunanza es abla da decider. El preschainta la glista da tractandas e lascha approvar quella da la radunanza.

2. Tscherna da duos scrutinaduors

I basta cun ün scrutinadur. Sco scrutinadur vegn tschernü Nuot Filli.

3. Protocol da la radunanza dals 29 november 2016

Il protocol es stat exposé illas assas nairas e sülla pagina d'internet dal cumün. El vain approvà sainza cuntravusch.

4. Barat da terrain tanter il Chantun Grischun ed il cumün da vaschins per schlargiar la via chantunala tanter Ova Sparsa e La Sassella

Il president ha preschantà la tractanda e miss quella in discussiun. Invezza da be adüna vender terrain, vaja quista vouta per ün barat da terrain. In tuot vain dovrà per schlargiar la via, da las parcelas 786, 815 e 866 raduont 633 meters quadrat terrain. Sco cuntravalur survain il cumün da vaschins la parcella 813 tanter la via e l'En da l'Ova da Sarsura vers Susch. Causa cha la parcella es plü gronda sto il cumün da vaschins pajar lasura amo raduond 2300 francs. Quist barat vain approvà cun unanimità da vuschs.

5. Vendita da terrain per schlargiar la via chantunala tanter La Drossa ed Il Fuorn

Pel proget da schlargiar la via dal Pass dal Fuorn tenter La Drossa ed Il Fuorn dovrà il Chantun Grischun raduond 190 meters quadrat terrain da plüssas parcelas chi toccan al cumün da vaschins. La vendita da quel vain decisa cun unanimità da vuschs.

6. Plazzar emblems da la Via San Giachen sün grips e mürs sper la via

Daspö divers ons passa la Via San Giachen grischuna, tras nos cumün. Fingia als 3 avrigl 2013 vaiva quella vouta il cumün da vaschins vegl da Zernez decis da laschar metter ün banc sper la via aint in Prazett. Uossa ha la società da la Via San Giachen dumandà da pudair plazzar seis emblems sün grips e mürs sper la via. Sün terrain da vaschins vain ün a Craviz Sot a Susch ed ün pro la Güstizia vers Zernez. Plü tard dessan lura ün o duos gnir plazzats amo sper la via da spassegiar tanter Zernez e Puntota. Eir quista dumonda es gnüda acceptada da la radunanza cun unanimità da vuschs.

7. Orientaziuns

Il president da vaschins orientescha a la radunanza sur da plüs affars dal cumün da vaschins chi sun già decis ed han pudü gnir serats giò:

- Il contrat cun la pulizia chantunala pel dret da fabrica per l'antenna da Praslönch sur Zernez es gnü suottascrit da tuottas duos varts ed inscrit il cudesch fundiari.
- Per schlargiar la via da Pülschezza es gnü fat ün transferimaint da terrain dal cumün da vaschins al cumün politic.
- Il contrat da servitut cun sar Hermann Rudigier per pudair passar a Susch sur terrain da vaschins cun lingias da chanelisaziun es stipulà, suottascrit ed inscrit i'l cudesch fundiari.
- l'rom da la natüralisaziun simplifichada da persunas maridadas cun vaschins svizzers han ragiunt trais duonnas il dret da vaschinadi da Zernez. I sun üna duonna da l'annada 1974 derivanta da l'Ucraina, üna duonna da l'annada 1954 derivanta da la Germania ed üna duonna da l'annada 1986 chi deriva da la Sri Lanca.

8. Orientaziuns e varia

Fabian Schorta, chi d'eira a l'ultima radunanza da vaschins gnü tschernü illa cumischiun sindicatoria dal cumün da vaschins, ma nu d'eira preschaint a quella radunanza es gnü saramentà.

Il president da vaschins ha drivi la discussiun suot varia, ma da quella nun esa gnü fat adöver.

La radunanza po gnir serrada a las 20.40.

Il president:

L'actuar:

Rico Zala

Hermann Thom